

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. प्रधानमंत्री नरेंद्र मोदी होर कल लोकसभा च वंदे मातरम दी 150मीं ब'रे गंड उप्पर विशेष चर्चा दी शुरूआत करडन।
2. रक्षा मंत्री राजनाथ सिंह होरें अज्ज जम्मू-कश्मीर लेई सीमा सिडक संगठन-बीआरओ दी 22 महत्वपूर्ण बुनियादी ढांचा परियोजनाएं दा वर्चुअल डंग्गै कन्नै उद्घाटन कीता। एल.जी मनोज सिन्हा होरें प्रधानमंत्री ते रक्षा मंत्री हुं'दा आभार प्रगट कीता।
3. उपराज्यपाल मनोज सिन्हा होरें सशस्त्र बल झंडा दिवस उप्पर सभनें गी बधाई दिती ते लोकें गी देश दे विकास च योगदान देने लेई आखेआ।
4. प्रशासनिक सेवाएं दा Combined Competitive preliminary मतेयान अज्ज तय कार्यक्रम स्हाबै लैता गेआ।
5. कश्मीर घाटी च ठण्डू दा प्रकोप जारी। पहलगाम च सभनें शा घट्ट मनफी 4 इशारिया 3 डिग्री सेल्यिस तापमान दर्ज कीता गेआ।

<><><><><><>

PM-Vande Matram

राश्ट्री गीत वंदे मातरम दी 150 ब'रे गण्ड उप्पर कल लोकसभा च विशेष चर्चा शुरू होगं अधिकारिक सूत्रें मुजब प्रधानमंत्री नरेंद्र मोदी होर लोकसभा च इस चर्चा दी शुरूआत करडन। पिछले हफ्ते इस बारै जानकारी दिंदे होई

संसदीय कार्य मंत्री किरन रिजिजू होंरें दस्सेआ जे पूरे दिन दी चर्चा 12 बजे शुरू होग। उनें दस्सेआ जे लोकसभा अध्यक्ष ओम बिरला हुं'दी अध्यक्षता च होई दी सर्वदलीय बैठक च एहू फैसला लैता गेआ। जे 8 दिसंबर गी वंदे मातरम उप्पर चर्चा ते 9 दिसंबर गी चुनांस सुधारेणें उप्पर बहस होग।

<><><><><><>

PM-India Growth

प्रधानमंत्री नरेंद्र मोदी होंरें आखेआ जे भारत मौजूदा समें दियें चुनौतियें ते अनिश्चताएं बश्कार कुल संसारी मंच उप्पर मजबूती कन्नै खडोते दा ऐ। प्रधानमंत्री होंरें वैश्विक मंच पर भारत दी भूमिका दी चर्चा करदे होई गलाया जे चुनौतियें ते अनिश्चताएं दी शिकार दुनिया च भारत दी अपनी इक बक्खरी पंछान ऐ। उ'नें गलाया जे नेय समें च जदूं लोक आर्थिक मंदी दी गल्ल करा'रदे न, भारत अपनी विकास बत्ता उप्पर अगडा बधा'रदा ऐ। कल इक कार्यक्रम गी संबोधत करदे होई उ'नें एहू गल्ल आक्खी। प्रधानमंत्री होंरें आखेआ जे चालू वित्त ब'रे दी 2 तिमाही दरान सकल घरेलू उत्पाद-जीडीपी दर च 8 प्रतिशत दा बाद्दा देश दी बददी प्रगति दी झलक दस्सदा ऐ।

<><><><><><>

BRO-Projects

रक्षा मंत्री राजनाथ सिंह होंरें अज्ज जम्मू-कश्मीर लेई सीमा शिडक संगठन-बी.आर.ओ दी 22 महत्वपूर्ण बुनियादी ढांचागत परियोजनाएं दा वर्चुअल ढंग्गै कन्नै उद्घाटन कीता।

उपराज्यपाल मनोज सिन्हा होंरें इ'नें परियोजनाएं दे उद्घाटन लेई प्रधानमंत्री नरेंद्र मोदी ते रक्षा मंत्री राजनाथ सिंह हुं'दा आभार प्रगट कीता। इक सोशल मीडिया पोस्ट च एल.जी होंरें आखेआ जे बीकन ते संपर्क तैहत सभनें शा मुश्कल ते दूर दराज इलाकें तगर इ'नें परियोजनाएं राएं राबता कायम करना सखल्ला होई जाग। तोआई, रियासी-माहौर शिडक उनें परियोजनाएं शा इक ही, जिंदा अज्ज उद्घाटन कीता गेआ। इस उद्घाटन समारोह च सांसद जुगल किशार शर्मा होर बी मौजूद हे।



JK –Govt. Awards

जम्मू-कश्मीर सरकारै 2026 दे स्टेट अवार्ड- जेहडे गणतंत्र दिवस दे मौके पर दिते जाने न- लेई नामजदगियां मंगियां न। आम प्रशासनिक विभाग आसेया इस बरे जारी इक अधिसूचना मुजब एह अवार्ड ब्हादुरी- साहित्य- कला- कारीगिरी- समाज –सुधार- सार्वजनिक सेवा- लाइफ टाईम एचीवमैन्ट- खेडु- मीडिया- पर्यावरण- उद्योगिक उद्यमता दे क्षेत्र च दिते जाने न। इंदे लेई नामजदगियां समाजी ते खेडु संगठन- गैर-सरकारी संगठन- युनिवर्सिटियां ते जम्मू-कश्मीर कला संस्कृति ते भाषा अकादमी आसेया भेजियां जाई सकदियां न। एहदे लेई खीरी तरीक 15 दिसम्बर 2025 रखी गेदी ऐ।



LG Armed Forces Flag Day

लेफ्टिनेंट गवर्नर मनोज सिन्हा होरें सशस्त्र बल झंडा दिवस दे मौके उप्पर देसै दे थेआरबंद बलें ते शहीदें दे प्रति दिली आभार प्रगट कीता ऐ। सोशल मीडिया मंच - एक्स पर कीती गेदी इक पोस्ट च एलजी होरें सबनें बसनीकें गी गुजारिश कीती ऐ जे ओह सशस्त्र बल झंडा दिवस आहले कोश च दिल खोलियै दान देन कीजे इस कोश दे राहें सैनिकें ते उं'दे परोआरें दे कल्याण ते मान-सम्मान गितै कम्म कीते जंदे न। एह ध्याडा असें सबनें गी एह चेत्ता करोआंदा ऐ जे साढे सुरक्षाबलें दे दलेर जवान किन्नी मेहनत ते बलिदानें कन्नै देसै दी राक्खी करदे न।



LG/CM Condoles

उपराज्यपाल मनोज सिन्हा होरें जंदे रोज गोवा दे इक नाइट क्लब च अगग लगाने दे हादसे च जान मुआने आहलें प्रति गैहरा बसोस प्रगट कीता ऐ। उनें इस हादसे च जखमी होए दे लोकें दे तौले नरोए होने दी कामना कीती। सोशल मीडिया दी इक पोस्ट च एल.जी होरें सौगी परोआरें प्रति संवेदना प्रगट कीतियां ते आखेआ जे इस मुश्कल

दी घड़ी च सारे उन्दे कन्नै ना तोआई, मुख्मन्त्री उमर अब्दुल्ला होरें बी इस हादसे पर डूंगा बसोस जाहर कीता ऐ। उनें सौगी परौआरें प्रति दिली संवेदना प्रगट कीता ते घाय-लें दे तौले नरोए होने दी प्रार्थना कीती।

<><><><><><>

CCE-Exam

प्रशासनिक सेवाएं दा Combined Competitive preliminary म्तेयान अज्ज तय कार्यक्रम स्हाबै गै लैता गेआ। ज्हारां बद्दे मेदवारें म्तेयान केंद्रें च जाइयै एह् म्तेयान दित्ता। पिछ्ले किश दिनें थमां इस म्तेयान गी अगड़ा पाई देने दी मंग कीती जा'रदी ही। मेदवारें दा आखना हा जे व्यापक तौरा पर डोआरियां रह् होने ते उप्परली बरेस सीमा गी बदाए जाने पर बचार कीता जा तां जे इस करी म्तेयान गी अगड़ा पाई दित्ता जाना लोड्चदा, पर लोक सेवा आयोग आसेआ इनें सभनें मंगें गी नजरंदाज करदे होई अज्ज म्तेयान तय समें मताबक 10 बजे शुरू करोआया गेआ।

<><><><><><>

Rajouri-Half Marathon

राजौरी पुलसै अज्ज राजौरी हॉफ मैराथन-2025 दा कामयाबी कन्नै आयोजन कीता जेहदा मकसद सेहत, दिक्खभाल ते समुदायिक जुड़ाव गी बढ़ावा देने दे कन्नोकन्नी नशीले पदार्थे खलाफ जागरूकता पैदा करना ऐ। "हर कदम एकता के लिए, हर मील नशे के खिलाफ" विशे तैह्त आयोजित इस द्रौड च पूरे भारत थमां खडारियें, नौजवानें, वरिष्ठ नागरिकें, विद्यार्थियें ते खेढ प्रेमियें उत्साह कन्नै हिस्सा लैता। जिला पुलस लाइन्स राजौरी थमां शुरू इस कार्यक्रम च 3 द्रौड श्रेणियां शामिल हि'आं जिंदे च 21 किलोमीटर हॉफ मैराथन, 10 किलोमीटर आहली द्रौड प्रतियोगिता ते 5 किलोमीटर रन फॉर फन शामिल ना।

<><><><><><>

Indigo-Refund

शैहरी हवाबाजी सरबन्धी मंत्रालय नै ब्हाई कम्पनी इंडीगो गी निर्देश दिता ऐ जे ओह बिजन चिर लाए दे सबभनें यात्रिये दे टिकटे दे पैसे वापस करी देऐ। मंत्रालय नै हुकम रसाल करदे होई आखेया ऐ जे इंडीगो दिये रद्द कीती गेदी जां प्रभावत होई दिये डुआरिये लेई टिकटे दे पैसे वापस करने दी प्रक्रिया गी अज्ज रातीं 8 बजे तगर हर हाल च सबूरा करी लैता जाना लोडचदा ऐ। इंडीगो गी इब्बी निर्देश दिता गेया ऐ जे ओह ओकडे यात्रिये पर कोई बादू शुल्क बी नैई लाए- जिंदियां यात्राएं सरबन्धी योजनां- डुआरियां रद्द होने करी प्रभावत होइयां ना। मंत्रालय नै इब्बी साफ करी दिता ऐ जे यात्रिये दे टिकटे दे पैसे वापस करने दी प्रक्रिया च कुसै किस्मा दा कोई चिर जां ढिल्ल-मट्ट बर्दाश्त नैई कीती जाहग ते ऐसा होने पर इंडीगो कम्पनी खलाफ कारवाई कीती जाहग। इंडीगो गी इब्बी निर्देश दिता गेआ ऐ जे ओह यात्रिएं दी सुविधा ते रिफंड आहली प्रक्रिया बवस्थित ढंगै सिर तोढ चाढने लेई सरबन्धत सैल स्थापित करै।

<><><><><><>

Weather

समूलचे जम्मू-कश्मीर च ठंडू दा प्रकोप लगातार जारी ऐ। सीत लहर दे चलदे कश्मीर घाटी च तापमान च गिरावट दर्ज कीती गेई। पहलगाम च सभनें शा घट्ट तापमान मनफी 4 इशारिया 3 डिग्री सेल्यिस दर्ज कीता गेआ। उआं किश थाहरें उप्पर ठण्डू शा किश राहत दी बी खबर ऐ। तोआई, जम्मू खितते च तापमान 8 इशारिया 3, कटडा च 9 इशारिया 2, बटोत च 6 इशारिया 2, भद्रवाह च 2 इशारिया 0, बनिहाल च 1 इशारिया 5, उधमपुर च 3 इशारिया 6, रामबन च 4 इशारिया 9 ते डोडा च 6 इशारिया 7 डिग्री सेल्यिस तापमान दर्ज कीता गेआ।

<><><><><><>

IIT Jammu Hackathon

भारती प्रौद्योगिकी संस्थान जम्मू जिसी आई.आई.टी जम्मू बी आखेआ जंदा ऐ, गी औंदी 8 ते 9 दिसंबर गी होने आहले स्मार्ट इंडिया हैकथॉन 2025 दे साफ्टवेयर संस्करण दे ग्रैंड फिनाले लेई नोडल सेंटर दे तौरा पर चुनेआ गेआ ऐ। एहू लगातार दुआ ब'रा ऐ जिसलै आई.आई.टी जम्मू बड़ी मती प्रतिष्ठि आले इस राष्ट्रव्यापी कार्यक्रम दी मेजबानी करा'रदा ऐ ते इस दरान मुल्ख भरै थमां विद्यार्थी, नमियां काहडां कडुने आले इंनोवेटर ते समस्याएं दे हल तुप्पने आले होर काबल नौजवान इक्के मंच उप्पर औडन। इस हैकथॉन दा मकसद असल दुनिया दिएं समस्याएं लेई रचनात्मक हल तुप्पना, तकनीकी खेत्तर च नमिएं काहडें गी बढ़ावा देना ते नौजवानें गी राष्ट्री स्तर दे मंच पर कौशल दस्सने लेई प्रेरित करना ऐ।

